

蟬

史

集

蟬史集卷之三

博學雅文 纂

羽蟲類

鳥

烏一名鴉烏以其色鴉以其聲說文曰烏孝鳥也張華曰
慈烏孝鳥長能反哺其母大嘴烏唇黑體一種大嘴白項
南人謂之鬼雁鳴則有凶廣雅曰純烏而反哺者謂之烏
白頸而群飛者謂之燕烏東坡志林云慈烏比他烏微小
反哺之聲可聽大嘴白頸皆不能反哺不謂之孝烏

埤雅曰雀見虎則鳴鳥見異則噪今人聞鳥噪則睡以鳥
見異也詩曰莫赤匪狐莫鳥匪烏狐羣者也鳥合者也詩
曰具曰予聖誰知鳥之雌雄爾雅曰以翼左掩右翮也
管子曰鳥集之交初若謹後必相咄所以刺其初皆利合
不以道也又曰鳥性極壽三鹿死後能倒一松三松死後
能倒一鳥故曰老鳥又曰鴛交頸而感鳥傳誕而孕語曰
鵲傳枝鴟茹沫

孫武子曰鳥起者伏也鳥集者虛也傳曰鳥樂空曠鵲喜
稠閑叔向曰城上有烏齊師其遁師曠曰烏鳥聲樂齊師
其遁傳曰夜遁謀幕有烏矣

東方朔著陰陽局鴉經先數其聲第一聲即是甲以十千數之辨其緩急以定吉凶淮南子曰烏力勝日而服于雞禮云烏陽物也又曰日中有跋烏高誘云跋不行謂其三足也今俗呼日為金烏抱朴子曰日中有三足跋烏陽數奇也又曰堯時十日並出羿射日中九烏死酉陽雜俎曰俗候烏飛翔重知天將而烏陽物也感陰氣而翔重禽經曰烏之巨嘴者善避矰繳弋彈射

抱朴子曰焚惑火星生朱烏古今註所謂赤烏也

朱博為御史大夫府中栢上有烏數千集其上故今稱御史府曰烏臺栢府者本此容齋隨筆云北人以烏聲為喜

鵲聲為悲南人聞鵲噪則喜聞鳥聲則唾而逐之殊不知鵲固有善而鳥亦能報喜也襍俎云鳥鳴地上無好聲人臨行鳥鳴而前引多喜

鶯斯

爾雅曰鶯斯鵲鵲註疏曰唯鳥也小而多群腹白一名鵲陸佃曰詩云弁彼鶯斯歸飛提提言鶯斯之不能反哺者尚能歸飛以後其類而不失弁樂今已曾反鶯斯之不如也揚子方言曰齊宋之間凡物盛多謂之冠郭璞方言註云今江東有小鳥其多無數俗謂之冠鳥雅鳥本草謂之鷦鷯似鳥而小多群飛多鶯聲者又名寒鴉鶯爾雅云鷽

鷓鴣似鳥而蒼白色

鷺○鷺音譜云鷺似鷓而班白

鷓鴣○鷓鴣山海經云猛陽山有鳥狀如鳥其足赤色名鷓鴣可以禦火

鷓○鷓爾雅云鷓鴣老註云鷓鴣也俗呼痴鳥

紅鷓○紅鷓蟬史云紅鷓似鷓紅黑色飛不甚高出飛而鳴當有兩

紅鷓○紅鷓蟬史云紅鷓曲嘴高脚丹頂如鶴毛白赤色頭上有披帶食于水而宿于木飛如雁行聲如猫故又名江猫

黃鴝○黃鴝蟬史云黃鴝形似百舌灰黑色雀行性躁好鳴林叢間又名漱糠鳥天將雨則群鳴或云此鳥下枝傳上而鳴則晴上枝傳下而鳴則雨也

乾餘骨莊子云鵲掇千日為鳥名乾餘骨乾餘骨之沫為斯爾斯爾亟名

鵲

爾雅云烏鵲醜其掌縮註云飛則縮脚腹下也說文鵲字作鳥象其形也天玄主物簿云鵲喙槐實結玉于腦謂之鵲玉此鵲終歲不復鳴噪雖巢無胎卵又曰戴王之鵲巢于竹與燕同群蓋燕能識寶故也

文按淮南子曰太陰所建蟄虫首穴而處鵲巢向而為戶
博物志云鵲巢開口背太歲也先儒以為鵲巢居而知風
蟻穴居而知雨如歲多風鵲則去喬木居低枝故能高而
不危也是以知風之自而作巢知太歲之所在而開其戶
聞見錄云鵲巢內有隱水令鵲鳥不見俗云鵲巢中必有
梁見鵲上梁者必貴鵲巢口背太歲向太乙月令云季冬鵲始巢
汲冢周書云小寒鵲不巢國不寧碎事云鶯名黃袍鵲名
神女淮南子曰七月七日烏鵲填河成橋而渡織女又曰
猩猩知往而不知來乾鵲知來而不知往知來歲多風則
巢於下枝此知來也不知童子探其卵此不知往也或曰

焚鵲巢可棲狐魅夷堅志云鵲能救水故水宿而物莫能害鵲能巫步禁蛇故食蛇啄木能畫符出蠹鵲有隱木令鷲鳥不見巢燕營巢避戊巳故巢固不傾皆禽鳥之有術者也

雜纂曰或云鵲血可以調子故衛象曰鵲血調子濕未乾鵲鵲新淬劍先寒蓋鵲鵲膏可瑩劍使新也

山鵲○爾雅云鷲山鵲註云似鵲而有文彩長尾嘴脚赤雌雄相逐而飛然青身綠翼尾有三條中長而傍短

練鵲○禽經云練鵲名帶鳥性仁陸佃曰帶鳥若練鵲是也似山鵲而小頭上有披帶雌者短尾雄者長尾或云大

如雀或黑頭紫身或絳頭素身三四月飛鳴于林間亦鳥之有文者也

鵯○說文註云鳥黃黃色出于江淮或云鳥鳥似鳳黃色

鵯鵯

埤雅曰鵯鵯江東人呼為鵯鵯自關而西秦漢間謂之鵯鵯其大者謂鵯鵯其小者謂之鵯鵯或謂之鵯鵯或謂之鵯鵯刻子曰鵯鵯氏司事先儒云鵯鵯春來秋去者一名鵯鵯牝壯飛鳴以翼相拂而孕月令云鳴鵯拂其羽是也爾雅以為布穀一名鵯鵯短尾褐色多聲禽經云林鳥以朝朝水鳥以夜鳴今鵯乃林棲之鳥故鳴必以朝又曰拙

者莫如鳩巧者莫如鵲舊云鳩不能巢借鵲巢以居詩云

維鵲有巢維鳩居之

按今江淮間鵲巢多被烏鴉鳩所奪未見鳩居者想鳩亦自能為巢也

汲冢周書訓解曰穀雨之日萍始生又五日鳴鳩拂其羽

鳴鳩不拂其羽國不治兵周禮云羅氏掌羅烏鳥春羅春

鳥獻鳩以養國老行羽物鳴鳩一名鵲鼓一名布穀今郭

公鳥亦名布穀一名僕姑一名勃姑舊說天將雨則鳩逐

婦呼鳴其鳴也如鵲之瘞頸陸佃曰鵲鳩性食桑椹然過

則醉傷其性

斑鳩

斑鳩一名雛一名祝鳩似鵲鳩而大綉項花異其聲慈軟

可愛。劉子曰：祝鳩氏，司徒者也。蓋此物孝，故為司徒以教民。禽經云：鷦巧而危，鷽拙而安。言其巢也。

本草云：班鳩，春分則化為黃禍，侯秋分則化為班鷽。

埤雅云：鷽，今鷽鳩也。壹宿之鳥，聰聰考詳。篇云：雀聲慘毒，鳩聲慈念。蓋鷽鳩之聲，慈孝懿勤之故也。詩云：翩翩者鷽，載飛載止。或云：祝鳩與尸鳩皆一鳥也。故有尸祝之號。蓋尸鳩性一而慈，祝鳩性一而孝。禮云：嘏以慈告，祝以孝告。鷽尾短促，故字从佳。說文曰：佳，乃鳥之短尾總名也。

楚鳩。○廣雅云：楚鳩，一名嘒。嘒，傳云：夏雀生鷽，楚鳩生鷽。

廣志曰鴉鳥乃楚鳩所生

鴿

說文曰鴿鳩類其頸若癭唐人目為飛奴禮云庖人掌供六禽雁鴿鳩雉鳩鴿是也其色有二十餘種銀合海鹽倒插點子毛脚鳳髻皆其名也可馴養之每孕二卵伏十八日而化提要錄云鴿俗呼勒鴿其毛羽色千禽中品第最布穀附郭公

爾雅云鴿鳩鴿郭註云今之布穀是也說文曰結籊鴿鳩剡子曰鴿鳩氏司空者也註曰司空以平水土鴿鳩平均故為司空埤雅云鴿鳩有均一之德蓋其哺子朝自上

而下暮自下而上者均也其子在梅在棘在榛而已則身
常在乎桑間者一也埤雅又曰鷄變為鷓鴣變為布穀布
穀復為鷄或云布穀變郭公楊雄傳註云鷓鴣一名買銳
春終鳴則農事興故名買銳又名布穀蓋聞其聲則思買
銳重以布種也今俗謂布穀聲曰家家撒穀或以為家
家脫或以為家家斷磨皆其聲之相似也音以家為用
方言曰布穀謂之結誥郭璞引月令為註然月令之布穀
即鳴鳩也鳴鳩乃鷓鴣以翼相拂而孕布穀自是鷓鴣所變
者絕不相類久則變為郭公郭公復變為鷓鴣然三鳥之變
變其聲耳形實相類也月令所謂鷓鴣相化之理疑即布

谷也蓋布谷有鳴鳩之名鵲鵲寔鷹屬也大小殊形驚柔異性焉能變化鳴鳩俗呼鵲鵲鳥鵲音訛為布穀况鳴鳩聲呼布穀故今人指鳴鳩為布穀云

白頭翁○形似鵲鵲其飛如燕之頓頓頭上有白毛身蒼色或云即戴勝也

戴勝

爾雅曰鵲鵲戴勝郭景純曰勝即頭上勝也今俗為戴勝頭上有毛花成勝飛桑間蓋垂生之候月令所謂戴勝降于桑者是也一名鵲鵲汲冢周書云穀雨戴勝降于桑戴勝不降于桑政教不中月令註云戴勝織紵之鳥也一女

戴鴛方言曰燕之東北謂之鵑鵑關之東謂之戴鴛海岱之間謂之戴南或謂之戴鴛自關而西謂之鵑鵑朝鮮洌水之間謂之鵑郭註云即戴勝也勝所以纏紆陸佃曰男事興而布穀鳴女工興而戴鴛鳴

桑扈

山海經曰崑山有鳥狀如鴉赤身白首名曰竊脂其嘴曲可禦火即桑扈也淮南子曰馬不食脂桑扈不啄粟非燕也桑扈一名而二種爾雅云桑扈竊脂鵑鵑刺筆此桑扈之一種也桑扈竊脂棘扈竊丹此桑扈之又一種也對剖葦者言之則竊脂者所謂青質曲觜食肉好盜脂膏者是

也對竊丹者言之則竊脂者所謂素質其類與領皆鶯然而有文章者是也出坦雅

埤雅又曰春扈鵯鵯夏扈竊玄言淺黑秋扈竊藍言淺青冬扈竊黃言淺黃棘扈竊丹言淺赤桑扈竊脂言淺白固其理也左傳曰九扈為九農正扈民無淫者也賈逵曰春扈今循相五土之宜趣民耕種夏扈竊玄趣民耘耔秋扈竊藍趣民收歛冬扈竊黃趣民蓋藏棘扈為菓驅鳥桑扈為蚤驅雀行扈喈喈盡為民驅鳥宵扈嘖嘖夜為農驅獸

老扈鷦鷯則趣民刈麥令起不得晏者也

提壺○蟬史云提壺鳥以其聲呼提壺故名俗誤以為水

鳥鵲鵲非也此鳥生山林間大如雀身黃綠色

鵲

郭景純曰鵲似鴈無浚指毛有豹文一名獨豹遇驚鳥能
湫糞禦之著其毛盡脫或曰鵲作鵲又作鵲又作鵲一
名鴻豹易林曰文山鴻豹肥脂多脂蓋言此也

陸佃曰鵲鳥性淫而無定匹故今指老妓曰老鵲閩諺曰
鵲無舌兔無脾蓋鵲無舌連蹄性不木止鵲性群居如雁
自然而有行列詩云肅肅鵲羽集于苞柳肅肅鵲翼集于
苞棘肅肅鵲行集于苞桑言君子從征則鵲之不如也

蚊母鳥

爾雅云鷦鷯母註云似鳥鷦而大黃白雜文鳴如鷦聲此
鳥常吐蚊猶如塞北有蚊母草嶺南有蚊母木江東有蚊
母鳥本草云蚊母鳥大如鷦黑色生南方池澤茹蘆中其
聲如人嘔吐每口中吐出一二升又曰鳥如駝生西夷好
食缺名駝鶴按蚊母即頓鳥也云是田廣妻所化似鷦黑色有小紅冠

駝鶴

四夷傳云大食獬駝羅國出駝鶴長六七尺能飛不甚
高食稌物并火或燒赤焚銅食之生卵如椰子破之甕甕
有聲吐火羅國有鳥高七尺如駝鼓翅而行能食銅鉄被
鉄刀入肉難拔者食其糞立銷

寒號蟲

本草云寒號虫四足有肉翅能飛不甚遠其屎名五靈脂
方言曰鵲鳴魏齊宋楚間謂之定甲或謂之獨春自關而
東謂之城旦或謂之倒懸以其倒懸鳴也或謂之鳴鵲自
關而西謂之鵲鳴郭註云鳥似鵲五色冬無毛赤裸晝夜
悲鳴丘瓊山吟藻云華山有鳥名寒號虫方春時鳴曰鳳
皇不如我至冬羽毛皆脫則又名曰得過且過輟耕錄云
五臺山有寒號蟲盛暑時文彩絢爛至冬羽毛盡脫
鵲○爾雅云鵲鳩冠雉註云大如鵲似雌雉鼠脚無後指
岐尾為鳥慙急群飛出北方沙漠之地

鵯鳥○雜俎云火山有鵯鳥形類鳥嘴赤如丹名曰赤嘴鳥亦曰阿鵯鳥

岢嵐鳥○雜俎云岢嵐鳥出河西赤塢鎮狀如鳥而大飛翔于陣上多不利

背明鳥○雜俎云越雋有背明鳥形似鶴止不向明巢必對北其聲百變

蝦蟆護○雜俎曰多在田中頭有冠色蒼及赤形似鷩鷩鷩鷩○唐韻註云鷩鷩水鳥黃喙長尺餘南人取為酒器一名鷩鷩襍俎云鷩鷩喙大而長一尺赤黃色受二升糞似薰陸香

鷹

陶弘景曰鷹鷂鳥也似鷯一名鷂鷂刺子曰鷂鷂氏司冠者也蓋鷹鷂故司冠晉史曰在南為鷂在北為鷹

埤雅曰一歲曰黃鷹二歲曰鷂鷹三歲曰鷂鷂鷂次赤也項上有毛角者謂之角鷹詩云維師尚父時維鷹揚言武之奮揚如此又曰虎聞聲而潛伏鷹見形而高飛又曰鷂鳥雖生山穀之後毋恐雖墜及為日曝乃取帶葉青枝插于巢畔防其外墜且作陰涼人俟葉枯則雖大取之

禽經曰鷹不擊伏鶻不擊妊裴氏新書曰虎豹無事行步若將不睅其軀鷹在衆鳥間若睅然故積怒而全剛生焉

汲冢周書曰鷩鷩鷹化為鳩鷹不化鳩冠我數起小暑鷹
乃學習鷹不學習不備我盜處暑鷹乃祭鳥鷹不祭鳥師
旅無功月令註云仲春鷹化為鳩以生育氣盛鷩鳥感之
而變耳孔氏曰化者反歸舊形之謂故鷹化為鳩至仲秋
則鳩復化為鷹田鼠化為鴽鴽則復為田鼠若腐草為螢
雉為蜃爵為鴝皆不言化是不再復本形也方氏曰鷹好
殺而鷩以秋鼠好食而出以夜皆陰類也鳩鴽皆陽類也
故仲春鷹化為鳩季春田鼠化為鴽蓋陰為陽所化物類
如此酉陽雜俎曰取鷹法七月二十日為上時內地者多
塞外者殊少八月上旬為次時八月下旬為下時塞外鷹

畢至矣又曰鷹之雌雄唯以大小爲異有名荆窠白者短身而太五斤有餘一名沙裡白生代北沙漠雁門馬邑有名代都赤者紫背黑鬚白睛白毛便捉兔生代州有名漠北白者身長且大細班短脰生沙漠之北一名西道白有名房山白者背細班生代東有名漁陽白者腹背俱白有名東道白者腹背俱白生盧龍以北有名黑皂鵝生漁陽有名白皂鵝生河陽漠北有名青班生代北及代川又云凡鷹口內赤反掌焚隔衣燕人長命之候墨尾振撻打格隻立理面毛歲頭睡長命之候

鵝

埤雅曰鵠拳堅處大如彈丸俯擊鳩鵲鳩鵲中其拳墮空
中即側身自下承之捷于鷹隼冬則操鳥以煥其爪掌左
右易之旦即縱去其義性有擒有縱如此

酉陽雜俎曰鵠生三子一名鵠造化權輿曰鵠鵠之子或
為鵠鵠夏雀生鵠楚鳩生鵠東齊記事云范蜀公見二鵠
擲卵相上下接之蓋習飛也其胎教之意乎

鵠一作鵠

說文曰鵠大鷲鳥翮可為箭蓋鵠隼六翮皆乘風輕勁也
穆天子傳曰青鵠執羊犬食承鹿郭璞云鵠亦能食麋鹿
埤雅曰鵠能食草似鷹而大黑色俗呼皂鵠一名鷲其飛

上薄霄漢昔之相鵬者以為首歆長而額狹頂平頷大者
善大鵬翔水上扇魚令出沸波攫而食之一名沸河
禽經曰洶河在岸則魚沒沸河在岸則魚涌史後魏秦王
幹號射鵬都尉北齊斛律亮時稱為射鵬手唐長孫晟一
發貫雙鵬唐高駢一發貫雙雕號落鵬侍御

隼

爾雅曰鷹隼醜其飛也翬翬然疾也又曰鵟負隼註云鵟
鵟也善投隼故名負隼

說文曰隼鵟也一名雀鷹小雅曰隼鵟也齊人謂之鵟
或云雀鷹春化布穀廣雅曰鵟有鵟子籠脫鵟也

埤雅曰或以為隼即鵠非也禽經曰鷹以鷹之鵠以鵠之
隼以尹之則是三類矣又曰鷹好時隼好翔鳬好沒鷗好
浮蓋隼乃迅速之鳥詩云鵠彼飛隼載飛載止鵠彼飛隼
載飛載揚法言曰麟之儀儀鳳之師師其至矣乎螭虎桓
桓鷹隼戢戢未至也周官司常掌九旗之名物鳥隼為旗
註云旗畫鳥隼取其迅速也蓋鳥鳳也畫鳳以象德畫隼
以象威書云烏反哺仁也隼憫胎義也蓋隼遇懷胎之鳥
則勿擊或云唐制五坊鷹坊鷄坊鵠坊鴈坊狗坊則知鷄
鵠各類

鳶

釋鳥云鳶鳥醜其飛也翔埤雅曰凡鳥高飛曰翔布翼不
動曰翔一名鴟曲禮云前有塵埃則載飛鳶爲鳴則將風
故也禽經云暮鳩鳴則小雨朝鳶鳴則大風爲純鳥也故
必藉風而高飛列子所謂班輸之雲梯墨翟之飛鳶是也
今人乘風設紙鳶引絃而上者倣此舊說觀魚翼而制櫓
視鴟尾而制柁詩云鳶飛戾天又曰匪鴟匪鳶

說文曰鳶鳶鳥也徐鉉曰鴟鴞也一名鳶爾雅所謂茅鴟
惟鴟茅鴟也惟鴟鴞也郭璞曰茅鴟今鳩鴟也似鷹
而白陶隱居曰鳶鴟也飛騰江湖間捕魚食之

鷲○山海經云景山有鷲鳥黑色多力或云黃頭赤目五

色皆備陸機曰鵙鳩目上骨露出人謂之鵙雕類也禽經
曰南方有鳥名羗鵙又曰雕以周之鵙以就之鷹以膺之
鴉舅○鴉舅似鴉而小黑色嘴邊有毛甚勁能逐鴉鴉見
避之一名鴉鵙一種似鷹而小蒼色能逐鷹名鷹舅亦名
鷹鵙形頗類脊令故草木子曰鷹鵙能搏駕雁而反受逐
于鵙鵙非其力不及也智不及也崖鵙能搏鵙鵙而不能
得飛鵙非其飛不及也不能頡頏也此鳥三四月方出飛
鳥林間冬則不見矣
海東青○異名記曰登州海岸有鳥如鵙自高麗飛渡海
岸名海東青擊物最健草木子曰海東青鵙之至俊者也
出于女真遼極重之因而契丹以亡此鳥善擒天鵙飛時

旋風直上雲際

鶚

陸佃曰鶚鷲鳥鶚類一名睢鳩鷲而有別者爾雅曰睢鳩
王鳩陰陽自然變化論曰睢鳩不再匹是也又善捕魚詩
曰關關雎鳩在河之洲蓋鶚性好峙故立不移處所謂鶚
立者義取諸此刺子曰睢鳩氏司馬以其鷲而有別也故
主法制俗云睢鳩交則雙翔別則立而異處傳曰鷲鳥不
雙此為難也孔融曰鷲鳥累百不及一鶚翰府名談曰西
王母夢翠鶚五色自空下化為鶚飛去生西子

鶚

鷦一作鷽陸佃曰鷽似鷽黃色燕領嚮風搖翅因風飛急
擊鳩鷽燕雀食之列子曰鷽化為鷽鷽化為布谷布谷為
郭公郭公為鷽鷽一名晨風禽經曰鷽如風鷽惡雨然則
為之晨風可知也又曰鷽鷽之信不如雁周周之智不如
鴻又曰風翔則風霜蜚則霜張華註曰風禽鷽類越人謂
之風伯飛翔則天大風詩云鴝彼晨風鷽彼北林註云晨
風鷽也孔氏云似鷽青黃色燕領白喙向風搖翅

鷽

爾雅云楊鳥白鷽註云鷽似鷽尾白善能捕鼠造化權輿
曰鷽鷽之子或為鷽鷽

鵙

埤雅曰鵙博勞也一名伯勞陳思王惡鳥論曰伯勞以五月鳴應陰氣之動陽氣為仁義陰氣為殘賊伯勞賊害之鳥也其聲鵙鵙故名鵙月令仲夏鵙始鳴汲冢周書曰芒種之日蛩蛩生又五日鵙始鳴鵙不鳴令奸慝偪爾雅曰鵙鵙鵙其飛也鵙言其飛不能高翔諫翻上下而已

說文曰鵙言其飲足于腹下不能伸足而翔也詩曰七月鳴鵙八月載績七月也夏五月也蓋鵙鵙知今鵙知至故陽氣分而鵙鵙鳴可蚤之候也陰氣至而鵙始鳴可績之候也

剡子曰伯趙氏司至者也註云伯勞以夏至鳴冬至至故

司至埤雅曰鵲善制蛇鵲鳴則蛇結類後曰鵲鳴在上蛇盤不動鵲鳴在上蜩反不行

或曰金得伯勞之血則昏鉄得鵲鵲之膏則瑩石得鵲髓則化銀得雉糞則枯服虔曰鵲一名伯勞一名鵲鵲顏師古曰鵲鵲乃子規也楚辭云毋使鵲鵲先鳴子使夫百草為之不芳朱紫陽註云子規以三月鳴乃衆芳極盛之時鵲以五月鳴則陰氣至而衆芳歇矣是鵲鵲非鵲而何肥遺○博物志曰華山有鳥名肥遺見則大旱山海經云鵲神蛇一首兩身六足四翼能飛見則大旱

蜚鼠○山海經云拘扶山有鳥狀如鷄而鼠尾名蜚鼠見

則大旱

顓○顓山海經云雞山有鳥狀如梟人面四目有耳名曰顓見則大旱

鳧溪○山海經云鹿臺山有鳥如雄鷄人面名曰鳧溪見則國主兵

絜鉤○山海經云礪山有鳥狀如鳧鼠尾善登木名曰絜鉤見則國多疾疫

鵜○山海經曰長舌山有鳥狀如鴟而人手人面名曰鵜其名自呼見則國多曠士又多放士

飛廉○郭璞曰飛廉龍雀也鳥身而鹿頭風俗通曰飛廉

神雀能致風氣晉灼曰身似鹿頭如爵有角蛇尾文似豹
魁雀○山海經云比號山魁雀如鷄白首鼠足虎爪食人
鷄○爾雅云鷄鷄鷄鷄如鷄短尾人射之反含矢射人一
名隨羽鷄鷄鷄鷄皆其名

鵲○山海經云太行山有鳥如雀白身赤尾六足三目
偶號○山海經云東海中有鳥人面鳥身珥兩黃蛇踐兩
黃蛇名曰偶號

竦斯○山海經云灌題山鳥如雌雉反面見人乃躍
驚○廣韻註云鷄土精也如鴈一足黃色毀之殺人
胜○山海經曰玉山有鳥名胜見則國有大水

胜音
姓

玄鈞鳥○一統志云肇慶府云奢山出玄鈞鳥鳴則而至
憑霄○拾遺記云蒼梧有鳥吐五色氣名曰憑霄嘶土成
墳積珠成壘其珠輕細如塵風吹塵起名曰珠塵
紅鷺○窮神秘苑云頓遜國人死歌舞送于郭外有鳥名
紅鵝而色紅飛來萬萬家人避之其鳥食肉盡乃去即燒
骨以沉海中謂之鳥塋

灰鶴○廣東志云灰鶴出廣州新會縣似鶴而灰色

鵝○極涂錄云芙蓉山有異鳥名曰鵝愛形顧影不自藏
每為羅者所得唐韻註有鸚鳥三首而一身

桐花鳳○貽遊錄云余書室前有竹栢雜花叢生滿庭中

鳥巢其上名桐花鳳四五日翔集其間此鳥雖見而馴不畏人四川志云成都有小鳥紅翠碧色相間生于桐花中唯飲其汁

倒掛子○一統志云宣化縣出倒掛子毛綠倒掛于木上櫟○山海經曰天帝山有鳥名櫟

當扈○山海經曰上甲之山有鳥名當扈

細鳥○酉陽雜俎云畢勒國獻細鳥以方寸玉為籠數百頭狀如蠅聲如鳴鵲此國以候日因名候日虫集宮人衣遂蒙愛幸

菰節鳥○雜俎云菰節鳥四脚尾似鼠形如雀終南山中

有之

紫蒿鳥○維俎曰紫蒿鳥頭有冠如戴勝大如野鷄

服留鳥○趙王倫篡位時有異鳥莫識有小兒見之乃言

曰服留鳥小兒并鳥俱不見

蓋謂倫曰將服其罪也

萬春鳥○後齊天統年間有鳥集仙都苑名萬春五行志

云非常之鳥來集主有兵佛書有共命鳥二首而一身

羅平鳥○吳越有異鳥極大四目三足飛鳴山林羅平乃

其聲也占曰國主有兵人相食

催工鳥○五臺山有吉祥鳥見形翊甚大其飛也有四黃

鳥導之四鵲後之泰山興功有鳥似鳥味趾皆赤役夫稍

息即飛鳴作聲逐目為催工鳥

甘蟲○舒州有衆禽成巢闊七尺高一尺水禽山鳥無不馴狎中有人面綠毛紺嘴爪者其聲曰甘故名甘虫
傳信鳥○元歲機養二鳥大似鵲黃色每翔翥呼之即至
或令含珠授人謂之傳信鳥

鵲鵲○山海經云基山中有鳥如鵲三首六足六目三翼
名曰鵲鵲

鵲鵲○山海經云吳望山有鳥如鳥三首六尾自為牝牡
善笑名曰鵲鵲佩之可以禦兵

鵲鵲○唐韻註云有鳥名鵲鵲能自為牝牡

鷦鷯○山海經云翠山有鳥名鷽如鷽赤黑色兩首四足能禦火

數斯○山海經云臯塗山鳥如鴉人是名曰數斯

蠹蜚○山海經云天次山有鳥如臯人面一足名蠹蜚冬出夏蟄

鷽○山海經云三危山有鳥一首三身如鷽黑文而赤頸名曰鷽

瞿如○山海經云禱過山有鳥如鷽似鳬脚而小近尾白首三面二足

猼猼○唐韻註云猼如鳥三目有音如承

自號○山海經云崦嵫山有鳥名自號見則大旱

豉腫○山海經云復州之山有鳥名豉腫見則國有大疾

鷺鵒○山海經云盧其山鳥名鷺鵒見則國多土功

酸與○山海經云景山鳥名酸與見則國多恐

鵒○爾雅云鳥鼠同穴鳥名鵒鼠名鼯入地三四尺鼠在
內鳥在外書傳曰共為雌雄同穴而瘞鵒似鵒而小黃黑
色

蟬史集卷之四

樵李穆希文纂

毛虫類

麟

埤雅曰麟土畜也毛蟲三百六十而麒麟為之長大角之
獸狼額赤目五蹄含仁懷義音中鍾呂行中規矩不羣居
不旅行不入陷穿不罹網罟不履生虫不折生草王者至
仁乃出蓋太平之符也孔子曰刳胎殺夭則麒麟不至摘
巢毀卵則鳳皇不翔角端有肉示有武也而不用詩一章

曰麟之趾。曰麟之定。三章曰麟之角。始於趾。終於角。言德以昇進為美也。爾雅曰麟。麋身馬足牛尾一角。角端肉高丈二尺五蹄。牝曰麟。牡曰麟。廣雅曰麟。含仁懷義。行步中規。折旋中矩。文章彬彬。禮運曰天不愛其道。地不愛其寶。人不愛其情。故麒麟在郊。數酉陽雜俎云麒麟牡鳴曰游。聖牝鳴曰歸。和夏鳴曰扶。扶秋鳴曰養。綏鵬冠子曰麟者玄枵之精。白帖曰麟四靈之首。百獸之先。月令曰凡麟生于火。游于土。故修其母。致其子。五行之精也。註云視明德脩則麒麟至。春秋孔演圖云麟木精也。宋均云木生水。故曰陰木系好生土土黃精青故麟色青黃。

祝充曰鳳以為畜故鳥不猶麟以為畜故獸不狘民間書
畧曰不有暴獸無以知麟之仁不有惡鳥無以知鳳之瑞
汲冢周書曰○喻○人○雖○馬○註云喻人東北夷雖馬角大者曰
麟也○又曰規矩以麟註云規矩亦我名也麟似麀一角牛
尾馬蹄春秋哀公西狩獲麟仲尼觀之曰麟也公羊傳曰
何以書紀異也麟仁獸也有王者則至無王者則不至有
以告孔子曰有麀而角者孔子曰孰為來哉反袂拭面涕
沾袍曰吾道窮矣家語曰鉅商獲麟拆其左足孔子反袂
拭面泣涕沾襟拾遺記曰孔子生之先有麟吐玉書于闕
里人家云水精之子系衰周而素王徵在以綉紱繫其角

及夫子將終抱麟解紱而泣

蟬史曰麟黃色圓蹄游必擇土審而後處蓋麟風龜龍謂之四靈乃王者之嘉瑞而麟為首麒即牝也似麟而無角雌鳴曰歸聖雄鳴曰歸昌黃帝時在囿成康時在郊藝

騶虞

蟬史云騶虞似虎白質黑文尾長于身不踐生芻不食生物日行千里君有至信之德則見埤雅曰騶虞西方之獸也食自死之肉傳曰白虎仁即此是也詩曰仁如騶虞禮云武王克商散軍郊射左射貍首右射騶虞貫革之射息也山海經云騶虞五彩畢具尾長于身乘之日行千里

神離子曰南方有鳥五彩而象鳳名曰昭明其性好亂故出則天下起兵西方有獸斑文而象虎名曰騶虞其性好仁故出則天下偃武

瑞應圖曰白虎義獸也一名騶虞王者有德則至

角端

郭璞曰角端似貍角在鼻上中作弓唐韻曰角端獸名狀如豕角堪作弓

史印度國有一角獸鹿形馬尾綠色耶律楚材見曰此角端也日行一萬八千里好生惡殺之獸能解四夷語

鹿

爾雅曰

鹿牝曰麀

其子曰麇

一作麇

其跡速絕有力麇

說文云牡鹿曰麀牝鹿曰麇又作麇鹿跡曰麇牝鹿曰麇
又曰麇鹿子曰麇又曰麇鹿一歲曰麇二歲曰麇三歲曰
麇詩云麇鹿攸伏麇鹿濯濯又曰麇鹿麇麇又曰瞻彼中
林牲牲其鹿又曰呦呦鹿鳴食野之苹易曰即鹿無虞惟
入于林中君子幾不如舍往吝象曰即鹿無虞以從禽也
月令云夏至鹿角解蓋鹿陽獸也夏至陽初衰而角即解
汲冢周書云夏至鹿角解如鹿角不解兵革不息蓋鹿觸
聞以角又角有兵戈之象也

埤雅云按字說云鹿性警防必背而食以備人物之害蓋

鹿善萃群分背而食食則相呼群居則環其角外向以防物之害已故毛詩草蟲經曰鹿欲食皆鳴相召志不忘也又曰鹿得萍呦呦然鳴而相呼

按古者以白鹿皮為幣謂之鹿幣亦取相呼不忘之意古人云雞有呼群之德鹿有食萍之美家語孔子曰關雎興于鳥而君子美之取其雌雄之有別鹿鳴興于獸而君子大之取其得食而相呼今之鹿鳴會宴亦取諸此

埤雅又曰按爾雅釋麋曰其跡驪鹿曰其跡速麋曰其跡解兔曰其跡迹豕曰其跡刻狐曰其跡夙孟糜性迷惑故其跡驪而不解麋性散驚故其跡解而不驪鹿居衆驟故

其跡速而不夙，狐性疑遲，故其跡夙而不速。永性追突，故其跡刻。兔性跳擲，故其跡远。埤雅又曰：鹿，仙獸也，常自能樂性，至六十年必懷瓊於角，下角有班痕，紫色如點，行或有涎出于口，不復能急走也。蓋鹿戴玉而角班，魚懷珠而鱗紫。爾雅又云：鹿之所息謂之場。詩云：町畦鹿場。以町畦之無人也。春秋運斗樞曰：搖光散為鹿，江淮不祠則搖光不明。彘生鹿，衡波傳曰：鹿生三年其角自墮。瑞應圖曰：王者承先聖法度，無所遺失，則白鹿來。

蟬史曰：鹿性多驚，烈能別良草。一千年為蒼鹿，又百年為白鹿，又五百年為玄鹿。牡有角而無齒，牝有齒而無角。無

齒謂上齧無齒有齒謂上齧有齒若下齧則牝牝俱有齒也其麋一年角如釘二年角二莖三年三莖至四莖每年解而復生若四歲之鹿一解角之後一生便有四莖角也壹居士云鹿性驚烈多別良草恒食九物餘則不嘗群處必依山岡產歸下澤享神用其肉者以其性烈清淨故也食九物者謂葛葉及花鹿慈鹿藥白蒿水芹甘草齊頭蒿葺薺芄陶隱居曰野獸之內麋鹿可食生不羶腥又非辰屬八卦無主抱朴子曰南中多鹿每一遊牝數百至春羸瘦蓋游牝多也及夏唯食菖蒲一味即肥當解角時其葺甚痛逢獵人伏而不動先以繩繫其葺截之以其血未散

熊沒斃鹿又云鹿壽至千歲五百歲則變矣

酉陽雜俎曰獸岐尾鹿班如豹羊心有數悉害人三元參

贊曰五月勿食鹿肉傷神豹文者殺人鹿茸不可嗅鹿肉

痿人陰

按凡物骨肉之易長者莫速于鹿故鹿角能補氣血為諸藥之最凡鹿白髓者不可食鹿茸鹿虛勞

衰疲石林鹿座四月角欲生時取其茸陰乾如小紫茄子者為上茸端如瑪瑙紅潤者最佳古今錄驗

云人患妖魅鬼病不肯言者以鹿角屑搗散水服之會編

云昔有人入山失道數日飢渴得鹿刺血數升飲之飢渴

頓除及歸氣血充盛

佛書曰鹿一名伊尼回鶻傳曰回鶻秦鹿若斗馬用以車

駕

麋

爾雅曰麋牡曰麋牝曰麋其子曰麋

國語云獸長麋麋

其跡踰絕有力麋白虎通曰熊為獸巧猛麋為獸迷惑故天子射熊諸侯射麋

埤雅曰凡含血之物肉羴易長其次角易長最後骨難長故人自胚胎至成人二十年骨髓方堅惟麋鹿角自生至堅易長大凡骨之類成生長神速無甚于此故能補骨血堅陽道健精髓也鹿茸利補陰麋茸利補陽北方我狄中有駝鹿極大而色蒼尻黃而無班亦鹿之類角大而有文堅瑩如玉其茸亦可用埤雅又曰兔缺唇麋四目其二夜

目也類從所謂麋目下有竅夜即能視是也故淮南子曰
孕婦見兔而子缺唇見麋而子四目埤雅又曰麋鹿醜皆
喜文彩人衣絳衣則麋鹿注視不動故可獲之周官獸人
掌罟田獸冬獻狼夏獻麋凡獸入于腊皮毛筋骨入于玉
府註云麋膏涼故夏獻之又曰司裘卿大夫則共麋侯謂
以麋皮飾侯君臣共射之

汲冢周書云冬至麋角解麋角不解則兵甲不歲

按月令仲夏鹿角解仲冬麋角解方氏註云鹿好群而相
比陽類也故夏至感陰氣而角解麋多慾而善迷陰類也
故冬至感陽氣而角解故淮南子曰日至而麋鹿解角是

也日華子曰麋角屬陰夏至角解蓋一陰生也以月令言之日華子之言誤矣熊氏曰鹿是陽獸情淫而游于山夏至得陰氣而解角從陽退之象麋為陰獸情淫而游于澤冬至得陽氣而解角從陰退之象鹿孕于秋仲而生于春麋孕于仲春而生于秋蟬史云麋水獸也青黑色肉蹄似鹿而大一牡能乘十牝善迷而害稼羅氏曰麋性善迷而形似鹿故字从迷从鹿蓋麋喜音聲夫樂以道和故麋可以樂道而獲焉

麋

爾雅曰麋父麇足註云脚似麇也埤雅云麋如小鹿有香

在臍虎豹之文來田經麝之香來射蓋皮與臍之為累也
麝香中如米粒者名當門子楊文公談苑曰麝所遺屎常
就一處雖遠逐食還走其地不敢遺跡他所慮為人所得
也獵者因是得以掩群而取之麝自愛其香每為人迫逐
即投高崖舉爪剔出其香就死猶拱足以保其臍吳筠所
謂麝懷香以賈害是也陶隱居曰麝形似麀今俗謂之香
獐常食栢葉故養生論曰蝨處頭而黑麝食栢而香象退
齒犀退角麝退香皆輒藏覆自珍其貨也

本草圖經曰麝香有三種第一生香麝夏食蛇蠍多至寒
則香湍入春急痛自以爪剔出其次臍香乃捕而死取者

又其次心結香麝被大獸驚逐墜崖而死人得之破心見血流出作塊者此香輕燥不可用又一種水麝其香尤佳酉陽雜俎云水麝臍中惟水歷一滴於斗水中用灑衣至敗其香不散取之者以針刺之捻以真雄黃則合香氣倍于肉麝

麝

爾雅曰麝大羊麝大麝音章麝音几大麝郭註云漢武郊雉得一角獸若麝謂之麟者此是也說文云麝大鹿一角牛尾山海經云女几之山其獸名麝鹿北周異域傳曰龜茲國出麝皮一統志云梧州火山有獸名靈麝似麝而三足郡

中有火穴或使車將至則鳴

麋

爾雅曰麋牡麋牝麋其子曰麋其跡解絕有力研蓋麋在
陂澤淺草中有有牙者有無牙者然其牙不能噬齧古今
註曰鹿有角而不能觸麋有牙而不能噬麋膺下亦有香
但不全耳枹朴子曰山中未日稱赤吏者麋也說文云麋
麋屬埤雅曰麋麋也如小鹿而美章美也語曰四足之美
有麋鹿即麋也吳越春秋曰章者倬倬也蓋麋鹿皆健駭
而麋性膽尤怯故道書曰麋鹿無羸又曰麋鹿白膽善佈
為是故也續史云麋如鹿而小一名麋麋一作麋一作麋

詩曰野有死麕白茅包之言昏禮不可以死物而又以白茅包之皆非禮也然猶愈於無禮故序曰惡無禮也麕性喜山麕性喜澤鹿性喜林故林處乎山為麓麓者鹿之所在故也鹿林獸也麕澤獸也麕性善聚善散故从囿囿聚也亦散也國語曰市無杰米而困鹿室虛蓋囿曰囿方曰鹿鹿善聚善散故囿亦謂之鹿也

麕一作鹿

爾雅曰麕大麕旄毛狗足註云麕麕也旄毛獾猶長毛也言大麕毛長狗足者名麕其肉堅韌不及麕味其皮作履賜滕于衆皮或曰似鹿而小雄者有角似笋尖長寸許本

草圖經云出東南山谷湘漢間章類也

猶音櫛

爾雅曰猶似麕善登木徙上樹此獸性多疑慮居常聞有聲唯恐人之害已每預上樹久之復下須臾又上如此非一故不決者稱猶豫焉草木子曰鵲巢避風雉去惡政乃是鳥之一長狐性多疑猶性多豫可謂獸之一短楚詞云心猶豫而狐疑蒯通曰猛虎之猶豫不如蜂蠆之一致孟賁之狐疑不如童子之必至

麕

埤雅曰麕似鹿而大其尾辟麕以置舊帛中能令歲久紅

點不駢又以拂璫令璫不露蓋蠅點變白麀尾白紅而狐
白貂鼠之類燕見之則毛脫物有相制之類如此祖庭事
苑曰鹿之大者曰麀鹿隨之唯其所往麀尾欲轉為準
於文主鹿為麀古之談者揮焉取諸此也汲冢周書云西
南者正北方稷慎大麀註云稷慎肅慎麀獸似鹿晉王衍
好清談執玉柄麀尾與手同色終日坐談不輟

麀狼蟬史云麀狼似鹿而角向前入林則掛其角故常
在淺草中逐入林則可縛異物志云麀狼狀如鹿而角觸
前向入林則掛角可獲之皮可作履襪角正四據南人因
以作踞床呼麀角床

騶牙○蟬史曰騶牙狀如麋東方朔見之曰此騶牙也遠方當有歸義者

驛○山海經曰驛山獸狀如鹿特膝而四角馬尾有距名曰驛其名自呼

蔡苴機○陳藏器云蔡苴機乃兩頭麋也一名蔡余義博物志曰蔡余義獸似鹿兩頭其胎中尿四時取之以治蛇虺毒後漢書曰雲陽縣有神鹿兩頭能食毒草

羴羊一作羴

爾雅云羴大羊郭註曰似羊而大角圓銳有圓繞羴文夜則懸角木上以防患語曰羴羊掛角此也埤雅曰今人以

羴羊角為馬排沫特善說文曰麀大羊而細角字說曰鹿
比其類環其角向外以自防麀以獨棲懸角木上亦所以
為靈也本草圖經云羴羊出華陰秦隴山中其形似羊色
青而大其角長一二尺有節如人手指握痕又至堅勁陶
隱居以為角多節麀節麀圓繞者為羴羊而角極長惟一
邊有節節亦疎大者為山羊即爾雅所謂羴羊也陳藏器
曰羴羊夜宿以角掛木不着地但取角灣中涎銳繫小猶
有掛痕者是蓋其角主明目益氣起陰去惡血等症

羴麀

麀一作羴

羴史云字林字樣俱作羴麀廣韻作羴羴陸氏作羴羴說

文云獬豸神奇之獸似羊一角古者決獄訟用之以爲曲直又名勇角羊或云獬豸羊角虎爪論衡云獬豸一角羊也知曲直識邪佞神異經云獬豸其性忠觸邪東北方之獸也故今獄皆東北向依所在也異物志云北荒之中有獸名獬豸性別曲直見人聞觸不直者聞人爭咋不正者晉輿服志云柱後冠一名獬豸冠百官志云侍御史黑豸升殿取觸邪之象也

羊

埤雅曰羊性善羣故羣从羊羊羣中以一雄為主舉羣聽之土人謂之羊頭儀禮註云羊取其後帥羣羊之法人在

後而驅之故易云牽羊悔亡註云縱之使前而隨其後也
蓋羊性前逆牛性前順故羊宜驅而牛宜牽又曰羊春夏
蚤放秋冬晚出畏露故也羊無睛而能視死不瞑目其異
于他獸如此大曰羊小曰羔羔性羣而不黨又能跪乳故
古者以為朝服詩曰羔裘如膏日出如曜春秋繁露云凡
繫卿用羔鄭玄周禮註云羔小羊取其群而不失其類也
羔有角而不用類仁者執之不鳴殺之不鳴類死義者羔
飲其母必跪乳類知禮者故詩曰德如羔羊

廣雅曰牡羊一歲曰牡羝三歲曰羝牝羊一歲曰牝羝三
歲曰牝說文曰牡羊曰羝一作羝曰羝牝羊曰羝

曰羴羊一歲曰羴羊子曰羴曰羴又曰羴

又作羴

羊鳴曰羴

黃腹曰羴五月生羊曰羴六月生羊曰羴七月生羊曰羴
桀健者曰羴羴羊相積曰羴羴羊氣曰羴羴六尺曰羴無
角羊曰羴尾長曰羴羊瘦曰羴羊走曰羴

爾雅曰馬八尺為駮牛七尺為牝羊六尺為駮羴五尺為
羴狗四尺為羴雞三尺為羴說文曰羊从𦍋象頭角足尾
之形又曰羴西戎牧羊人也从人从羊南方蠻从虫北方
狄从犬東方貉從豸西方羴从羊本草云羊有南北之異
北方無角而大者曰胡羊羴羊亦有褐色黑白者毛長
尺餘惟青色者為羴青羊膽治青盲明目

陸氏曰易云羝羊觸藩羸其角角既觸藩則羸而不動
進退兩難矣又易云兌為羊羊性前止故兌為羊兌陰在
上故也臨川吳氏曰外柔能悅草而中內剛狠者羊故兌
為羊陸氏又曰按祭宗廟之羊曰柔毛柔毛謂其不疾癢
蟲也按周禮曰羊冷毛而羝羶犬赤股而躁臊蓋言羊冷
毛而羝則羶犬赤股而躁則臊矣皆物之不可食者也
齊民要術曰羊有疾輒相汚易林曰羊腸九縈禽獸決錄
曰羊性淫而狠魯語曰水之精土之精為羊百歲之虬斷
而復續千歲之木伐而有血丹房鏡源曰羊脂柔銀軟銅
殺羊角縮賀賀錫也侯鯖錄云新羊入羣與諸羊相觸火

燒其尾則定故士子瓊林宴為燒尾宴龍魚河圖曰羊有一角者食之殺人白澤圖曰羊一角當頂上者龍也殺之震死古今註云羊一名長髯主簿

周禮曰牛宜稌羊宜黍註云牛土畜稌土穀羊火畜黍火穀此二者以同氣為宜也周禮羊人掌羊牲凡祭祀飾羔祭祀割羊牲登其首凡祈珥共其羊牲賓客共其法羊凡沈辜侯禋釁積共其羊牲註云羊火畜屬夏故屬夏官司馬五行傳云視之不明是為不哲時則有羸豕之孽時則有羊羴蓋羊上角下蹄剛而包柔羊大目而不精明視氣毀故有羊羴漢家周書曰卜盧以羊言卜盧國貢羊

蟬史云牛有黃狗有寶羊有如石俱在腹中附膽而生羊如石白色如玉絕類狗寶治番胃及羊病

羴羊

一作羴

羴雅曰羴羊似胡羊而大角即山羊也角橢善聞至死爾雅所謂羴如馬羴如羊即此是也一云伏若騾而群行唐註以為山騾暑天塵露在其角上生草戴行凌之獨寢代都賦所謂羴羊養草以盤旋廣志云羴羊角重于肉舊云羴羴並以時墮角而羴角尤大

羴羊○山海經云華山獸狀如羊而大馬尾名曰羴羊土獐○山海經云土獐似羊四角其銳難畜觸物則斃食

人汲冢周書云正東高夷噍軍噍軍者羊而四角孔晁註云高夷高白鹿也獻此獸或曰角兵象四者四方之象四方常有兵起

羴羴○山海經曰羴羴似羊九尾四耳其目在背

羴山海經曰泰山有羴狀如羊一角一目目在耳後其呼自名

羴○山海經曰旬山有獸如羊而無口黑色名曰羴其性頑狠人不可殺蓋其稟氣自然也

羴○蟬史云羴野羊也大而甚健以時解角羴之類也

虎

蟬史云虎山獸之君狀如猫而大于牛色黃斑駁不等鉤

牙鋸爪舌大於掌硬鬚夜視一目放光一目看物光墜于地或化為石兩脅及尾端皆有骨如乙字長一二寸是其威也破肉取之可得令人有威橫行而安尾怒而吼聲如雷虎一生一乳一乳必雙古云虎不耳交是也死必靠木及巖石未嘗仆地名大虫徐鉉說文註云虎一目放光一目看物光墜云云令人有威然無官位者取之乃取憎于人也

埤雅云蛇蟠向土鵲巢面歲燕伏戌巳虎奮衝破此亦鳥獸之靈也虎又能畫地卜食類從曰虎行以爪圻地觀奇耦而行今人畫地觀奇耦者曰虎卜詩云執轡如組有力

五百歲毛色變白楊朱曰狸變則豹豹變則虎易云雲從龍風從虎淮南子曰虎嘯而谷風生本草衍義曰風之從虎者蓋風木也虎金也木受金制安得不從故虎嘯則風生自然之理也酉陽雜俎曰虎交而月暈

草木子曰虎殺人能屍起自解衣方食之人佩乙字骨乃能使倂鬼解衣七脩葉云人為虎食蒐從于虎字林謂之虎倂凡虎之出入則引導以避其凶宋范文穆公愛談虎事有客曰虎類能識人氣未至百步輒伏而咆哮震山谷奮躍搏人人有勇不為之動虎止而坐逡巡耳而去虎骨甚異雖咫尺沒草能身伏身露及其號然作聲則巍然

大矣虎不食小兒兒病不惧故也兼不食醉人必守醒以俟其惧也又虎飢則兼果實皆啖不特獸也凡食男子必自勢起婦人必自乳起惟不食婦人之陰遇之者當作勢抗敵引至曲路可避蓋虎不行曲路故也虎食犬則醉犬乃虎之酒也

禮記云迎猫為其食田鼠也迎虎為其食田豕也月令曰大雪節虎始交袁子曰虎頭高峙路頭尖銳鹿頭側長犀頭高廣埤雅云鳩食桑甚則醉猫食薄荷則醉虎食狗則醉今虎所在鹿必鳴以告荆楚歲時記云端午日以艾虎懸門以避邪風俗通曰上古時有神荼鬱壘兄弟二人蘭

閱百鬼執于渡朔山夷樹下縛以葦索執以食虎故今除夕
畫虎于門也又曰虎陽物百獸之長也能執搏挫銳噬
食鬼魅雜俎云罔象好食亡者肝而畏虎與栢今墓上樹栢
路不虎此也
皇極經世曰鷹鷂之類食生物陽也而鷄鳧之類不專食
生陽中之陰也虎豹食生物剛也而猫犬之類食生又食
殺剛中之柔也

莊子盜蹠篇云撓虎尾編虎鬚易云履虎尾不咥人亨書
云人之憂危若蹈虎尾易云君子豹変其文蔚也大人虎
変其文炳也楊子曰羊質而虎皮見草而悦見豺而戰忘
其皮之虎也汲冢周書云其西般吾白虎註云其西般吾

北狄也貢白虎侯鯖錄云虎變為人惟尾不化須為焚除乃得成人

獅子

爾雅曰狻猊若戲猫食虎豹註云即獅子也虎竊毛謂之戲猫山海經云東望山獸名白澤能言語達萬物之情劉基曰狗制狐豹制狗虎制豹狻猊制虎

蟬史云獅子一名扶拔一名狻猊一名白澤一名魃銅頭鉄額鉤爪鋸牙珥足晚足目光如電聲吼如雷外國所產毛群之長也魏王傳曰狻猊日行五百里孟康曰獅子似虎正黃有髯形尾端茸毛大如斗食虎豹

異域傳云波斯國出白象獅子漢書曰條支國出獅子犀
牛西漢書云月氏國獻獅子形似麟而無角安息國獻獅
子扶拔其形似虎正黃有髯形尾端有茸毛大如斗博物
志曰白狼山獅子見一物自林中出如狸跳上獅子頭獅
子伏而不動遂殺之取歸未至四十里外雞犬皆無鳴吠
者酉陽雜俎曰釋書言獅子筋為絃鼓之衆絃皆絕又曰
蘇合香師子糞也又曰師子尾夏月拂之蚊蚋不集

豹

說文曰豹似虎園文黃紋黑如錢有玄豹赤豹爾雅曰西
方之美有文蔚之皮馬易曰君子豹變其文蔚也故曰文

蔚之皮埤雅曰豹花如錢黑而小于虎文尸子曰虎豹之
駒未成章而有食牛之氣及其長退毛然後踈朗渙散蓋
亦養而成之傳曰文豹隱霧十日不食欲以澤其衣毛成
其文彩殆謂是也

廣志曰狐死首丘豹死首山言不忘本也豹一名程列子
曰程生馬古詩曰餓狼食不足飢豹食有餘言狼貪豹廉
有所程度而食故名曰程其胎味極美蓋腥唇豹胎天下
之至味也博物志曰豹死而蜜淮南子曰罔使虎申蛇令
豹止物各有所制也本草曰豹有數種而赤豹希見陸機
曰尾赤而文黑謂之赤豹又有俗說文云貉似赤豹五尾

山海經云幽都之山有玄豹玄帟瑞應圖云幽都即谷山上多玄豹汲冢周書曰屠州有黑豹格物論曰豹毛赤黃其文黑如錢而中空比比相次又有玄豹猛健不減于虎陶弘景曰豹惟尾為貴至今稀有周禮云孤執皮帛註云束帛而加以皮天子之孤以虎皮取其文炳也公之孤以豹皮取其文蔚也考工記曰天下之大獸五脂者牛羊之屬羸者虎豹之屬以其體重毛淺猶裸袒也羽者飛禽屬鱗者龍蛇屬膏者犬豕之屬郁離子曰南山之豹其始黯然而人莫之知也霧雨七日不下食以澤其毛而成其文文成矣而復欲隱何其蚩也漢四夷志云東方濊國多文豹

駮

駮一作駮

爾雅云駮如馬鋸牙食虎豹蟬史曰詩所謂濕有六駮是

也字說曰駮獸類馬而食虎虎又食馬

駮毛如駮馬黑白雜文

汲冢周書曰義渠以茲白白者若白馬鋸牙食虎豹

駮也白

山海經云中曲山有獸如馬白身黑尾一角虎足鋸牙音

如振鼓能食虎豹名曰駮佩其骨皮可以禦凶

駮○爾雅云駮白虎駮黑虎

麕○說文云委麕虎之有角者群玉云有角之虎曰麕能

行水中

檮杌○蟬史云西羌惡獸如虎名曰檮杌毛長一尺人面

虎足猪牙尾長一丈八尺

首耳○山海經云英林山有首耳尾長于身食虎豹王者
威及四夷則至汲冢周書解曰史林以尊耳尊耳身若虎
豹尾長三尺能食虎豹註云史林西南戎尊與首類字當
納○蟬史云豹無前足曰納一作爾雅云豹無前足扶餘
國有之或曰狃似虎而黑無前兩足

貓○貓惡獸也李太白大獵賦云別有白貓飛駿窮奇
獠牙若錯劍鬣若叢竿口吞矢鋌目極槍櫓

羆○爾雅曰羆似狸兕似牛犀如豕又曰羆虎屬也草木
子曰虎五指為羆柳宗元曰羆畏虎虎畏羆郭璞曰羆大

如狗文如狸一名羆羆又作羆說文曰羆羆似狸能捕
獸立秋日羆祭獸徐鉉註云虎之大者為羆野東坡詩云
指撝黃熊駕黑羆

獬○博物志云梟食母獬食父前漢書註曰獬似羆而虎
眼生長即食其父而沒走柳子曰豺狼感化梟獬懷仁

獬○爾雅云獬獬類羆迅走山海經云獬獬彘身人面

音如嬰兒食人之獸也或曰獬獬一作冥獬猛獸也似虎而黑

生南海霓文龍爪食人或曰冥窳龍首蛇身人面為式負

臣所殺化為此物居弱水中

合窳○山海經云剡山有獸名曰合窳如彘人面赤尾食

人食蛇見則大水

蜒○說文云蜒一作蜺狼屬長百尋或云猥蜒大獸也

獬豸○山海經云獬豸專食猛獸

馬腸○蔓渠山有馬腸獸人面虎身音如嬰兒食人出山海經

蠱雕○鹿吾山獸名蠱雕如豹鳥喙一角食人出山海經

獾○韻府曰北方有獸如獅子能食虎豹及人口无吹人

即死名曰獾或云獾惡獸也或曰黃帝殺之故人無憂疾曰無獾

獬○埤雅云似熊象鼻犀目獅首豺髮牛尾小頭庫脚黑

白駁能銍食銅鐵及竹銳鬣骨實無髓皮辟溫溫以為坐

毯臥褥則消膜外之氣故字从膜也舊云獬豸為兵可以

切玉其溺又能消鉄為水蟬史云鉄名白豹猛健不減于虎骨節強直中實少髓其齒極堅以刀斧鎚鍛鉄皆碎落火不能燒惟羚羊角擊之即碎神異經曰獸名鬻鐵大如水牛色如漆食鉄飲水即膜也山海經云獸名猛狗如熊而毛采有光澤食銅鐵郭璞云蜀中獸如熊而小毛淺有光澤名猛氏即猛狗也疑即

或曰鬻一作猛
又作鬻音陌

蟬史集卷之四